



DEO OPTIMO MAXIMO, UNI ET TRINO,

VIRGINI DEI-PARÆ, ET S. LUÆ,
Orthodoxorum Medicorum Patrono.

QUÆSTIO MEDICA,*
CARDINALITIIS DISPUTATIONIBUS
manè discutienda in Scholis Medicorum, die vigesimâ primâ
mensis Martii, anno Domini M. DCC. LXIX.

M. FRANCISCO-BERNARD, M. NATALIS-
ANDRÆ-JOANNIS-BAPTISTÆ CHESNEAU,
vices gerente, Doctore Medico, Præsidente.

An, fami potius quàm temporibus, in assumendo victu, parendum?

I.



EMPERANTIAM in victu commendant Medici omnes.
Eligi prudenter alimenta jubent. Quæ magis sana judicantur,
& simplicius apparere queunt, cæteris omnibus, adhiberi volunt.
Silent plerique de temporibus quibus cibis uti conveniat. Verùm
istud nonnè ad hygieinam pertinet, ad eam videlicet Medicinæ
partem, quæ, quomodo sanitas conservetur, edocet? Quare igitur
celeberrimis doctrinâ viris de hoc ipso tacere placuit? Legem forsitan im-

* Auctore M. Joanne le Thieulier, antiquo Facultatis Decano.

ponere noluerunt, quam satis natura præscripsit. Sed naturæ, in omnibus, quam parum obtemperatur! Imò, non desuere, qui se melius ipsi consulturos arbitrarentur, si eandem ratiociniis suis conarentur astringere. Observatum ab illis fuerat, quibusdam nocere, quod statutis temporibus alimenta non assumeruntur. Inde universis proinde imperatum, ut, indictâ horâ, victum peterent, nullâ desiderii ciborum, aut ventriculi etiâ habitâ ratione. Scilicet illi, cum talia fancirent, minime considerabant non æquè validas esse cujuslibet stomachi fibras, nec eandem inditam fuisse liquoribus digestionis inservientibus vini & energiam. Cavendum itaque, si credatur illorum consilio, nè nova prapostere ingerantur, vel prius quam egesta fuerint quæ jam immissa sunt, vel longiori, post egestionem, intervallo. Quor inde pravæ succorum elaborationes, quæ corpus ladan & sanitatem! Quid igitur agendum ut hæc omnia non accidant? Quotidiana nos undique circumvenient exempla, quibus, si libuerit, prudentiores effici poterimus. Brutorum universam inspicimus turbam; nec ipsis conferri pudeat homines, cum utrique, similibus fere organis donati, sensationibus inde similibus afficiant. Hæc porro lex animalibus, & *sensitiva* quasi sapien'tia est famem expectare. Necessitati tamen ab illis nimium indulgeri quandoque, negare non aulim. At bruta, pravis digestionibus laborare rariùs deprehenduntur. Quin etiam ex iis plura passum vix dentibus tritum asservant secretis quibusdam membran'is involutum, quem deinde, cum esuriunt, in os revocant, ibique novo labori subijciunt. Quis proinde fami potius, in assumendo victu, quam temporibus esse consulendum neget, si sit illa legitimum debitæ reparationis indicium; si optimam cum adesse demonstret organorum dispositionem, perfectioremque inde præfagiat alimentorum digestionem?

I I.

SENSATIONEM quâ monemur corpus refici indigere, famem vocari nemo nescit. Renascentem hunc ciborum appetitum, quidam, pro naturæ servitio, alii, pro voluplate habent. Apud Medicos ille, nihil aliud est, quam ærvearum ventriculi fibrarum à gastrico liquore, & aliis, excitata vellatio. Hæc, jejuno stomacho, eoque fere vacuo, aut saltem liberiore, ut plurimum existit. Hinc certissimum elicitur argumentum legitimam ab illâ designari nutritionis necessitatem, cui tutò demum obtemperari liceat. Naturalis dicitur appetitus, cum assumptis prudenter alimentis, sedatur; morbus autem, si vorax desiderium explere nequeant copiosiores cibi, vel etiam solidiores. Cur illa exoriat irritatio, quæ probam indicat famem, satis declarant ipsiusmet ventriculi fabrica, humorisque in hujus cavum depluentis natura & indoles. Liqueor hic, etsi unicus vulgò creditur, duplex tamen est, & ex duplici scarurit origine. Alius, ut Boerhaavius asserit per exilissimos canales, a *gastricis arteriis* scernitur. Tenuis est, pellucidus, spumofus, spiritibus dives, solus leniter, in *esurie* diù toleratâ acrioris concipit aculeos. Huic ce miscetur alter in sinu plurimarum glandularum elaboratus collectusque. Per diversa illarum emissaria expressus, ventriculi quasi guttatim irrorat cavitatem. Locorum, in quibus conficitur, structura prodit cur iste *lentior* sit & *mucosus*. Ex utroque fit liquor, gastricum appellant, qui mixtis utriusque dotibus commendatur. Has ille servat, quando perfecta viget sanitas. Idem, nerveas stomachi fibras stimulare non cessaret, donec torus exhauriretur, nisi istud præcaverent alimenta, quæ identidem assumuntur. Tum enim in ea conversam vim omnem exerit & efficaciam. Eadem impigre aggreditur, donec ventriculum jam subacta deseruerint. Ex salibus, quæ secum habet, atque spiritibus, vim illam accipit & energiam, quâ cibis inferatur intimius, illorum partes generosius penetret, tenuioresque sensim efficiat ac leviores. Interea fibras minus ab ipso pungi nè miremur. Impedita nam-

que in universâ *injestorum* mole succi hujus acies hebescit, & sese vix expedire potest. Hinc sanè depromitur, cur, pleno ventriculo, nulla jam percipiatur irritatio, famelicus omnis pereat, & cur, eodem fermè vacuo, debeat rursus exurgere. Detrulsis scilicet in duodenum, sub nomine & formâ chyli, cibus, gastricus qui superest liquor non idèò quiescit. Ventriculi peristalticum solus patitur motum, hujusque jugi beneficio perfectius elaboratur. Spirituosa autem ipsius partes evolutæ magis & expansæ, quaquaversum ferri minimè desinunt. Iis tunc excurrere velocius, nerveosque fibrarum tractus vividius impetere conceditur, Novam ergò necesse est exoriri sensationem, quæ jam liberiolem esse stomachum, & in illum, quod naturæ negari non debet, tutò immitti posse demonstrat.

III.

VENTRICULUM jure ac meritò famis organum appellaveris. In illo namquè excitatur, & quasi residet ista sensatio. Hujus organi stimulus haberi debet in illud perpetuo rore extrillans gastricus liquor, cæterique digestionibus inservientes. Illi assignantur, saliva ex ore, expressus ex faucibus & œsophago mucus quidam, bilis utraque, pancreaticusque succus. Iis focium se præbet aër, & certè non inefficacem. Singuli, pro viribus ac principiis, quibus pollent, agunt. Ut illam subeant alimenta mutationem, quæ digestio est, statutæ requiruntur stomachi, & horumque liquorum conditiones: quænam esse debeant, ex cognitâ illius structurâ fiet perspicuum. Ventriculum etenim, (tunicam hîc vasculosam omittimus & villosam,) musculosis nerveisque fibris instructum esse quis nescit? Hæ sensum ipsi communicant, illæ robur & claterium. Carnosæ omnes non eundem affectant tractum & ordinem. Rectiori quædam tramite per totam longitudinem excurrere amant. Has obliquæ secant aliæ; plurimæ demùm orbiculares universum amplectuntur cavum, continuæque *spirales* referunt circulis. Densiores istæ & validiores os utrumque cingere observantur. Hujus artificii ratio est, ut in omnem sensum coartati ventriculus queat, assumpta, verò rerî efficacius, & misceri, tritaque hinc & inde versari. Sed istud munus quo tempore feliciter absolvetur? Nonnè, dùm elatior vigeat fibrarum tonus & elasticitas, solemnesque motus poterunt firmitus exerceri. At desiderata quandonâm pro votis occurrere dispositio? Nonnè, ubi gratus rediit famis aculeus? Tunc enim, quod primum est, pleno minùs stomacho, liberior evadit ipsius actio, simul & potentior. 2°. Addit insuper stimulos subtilior & expeditior factus aër, suæque vi parietes sollicitare pariter, ac cibos dividere paratus. 3°. Defessas præteritæ digestionis labore fibras rursus erigi *fames* admonet, eademque recenti nutritionis beneficio recreatas, alacrius ad sôlitos ritus posse applicari. Nunc verò concipiatur quantum esse debeat tunicæ muscularis momentum, si, hujusce *sensationis* habitâ ratione, opportunis resciamur dapibus. Notæ etiam hypothesi succurrit, unoque, ut itâ dicam, animo famulatur varia memoratorum suprâ liquorum indoles. Horum nonnulli vellicare tantummodò, irritare ac dividere jubentur; irritata demulcent alii, divisa iterùm emolliunt, vasque expediunt ac lubricant. Bilis utraque, cystica præsertim, priori parte fungitur. Ista nempe, quæ, ex Boerhaavio, *acerrimus est humorum. . . . attenuat. . . . fibras motrices stimulat. . . . appetitum excitat, insertionem sui ductus quandoque sanis in hominibus factâ in ventriculi fundum*. Bilis autem quâ de causâ ciet appetitum? Certè quia descriptis gaudet dotibus, secretaque optimè fuit, & exquisitè præparata. Quæcunque de isto probantur humore, de cæteris quoque digestionem adjuvantibus comprobati credantur. Uoc scilicet rectè elaborato, omnes & singulos, dùm stat in homine sanitas debet præstare gradu donari lex est. Cùm famis igitur ad mensam nos accipere videtur, tam optimam adesse organorum dispositionem pronuntiare non dubitamus.

APPETITUS si mechanismo simili excitetur, quo perficiatur digestionis opus, ex præsentia illius, prospera de altero prævideri posse manifestum est. Quid enim digestionis nomine intelligi volumus? Eam sanè mutationem quam perperci coguntur alimenta, donec in chylum prorsus euaferint. Torum hoc in stomacho peragitur; scopulque omnis in istis versatur duobus. 1°. Contorum jam dentibus ciborum partes teri rursus, à se invicem separari, & quantum fieri potest, comminui debent. 2°. Illas emolliri deinde, intimius penetrari, ac sensim ex solidiori mole ad fluidum quoddam accedere, quasi iustus est & assiduus labor. Quod primum, id ventriculus ipsemet præstat. Alterum, ut probavimus, non unius liquidi beneficio contingit. Sed utrumque necessariò obtineri quis neget, si cuncta occurrant, quæ ad utrumque conferunt? Rem porò ita se habere certius evincunt eadem famis & digestionis phænomena. Illà namque cum afficimur, tunc nerveas partes ac musculares fibras irritari quodammodo constat ex distis. Hinc iisdem alacrioribus factis, mox assumenda validius comprimentur. Hinc, vis & potentia major quæ figuram illorum brevi tempore immutatur est. At, undenam vellicationis ille sensus, qui stomachum constringi velit? Certè ab humore gastrico, & à cæteris quoque, imprimitur. Nonnè insuper liquores illos spiritibus, & dicatis unicuique principiis abundè dotatos esse sensus ille significat? Fatendum igitur, simili planè mechanismo, in sensatione famis ac in digestionum operibus, cuncta regi atque gubernari; perfectioremque inde prælagiri debere alimentorum præparationem.

V.

SENSATIONES experiri mechanicum est, ideòque omnes experiuntur. Illis moderatè prudenterque indulgere pauci fortè consueverunt. Iisdem, quod efflagitant, & quando appetunt, non adeò facillè negatur. Ecquid autem reculemus *Naturam sequi ducem*, cum sit ipsi *ninium omne inimicum*? Hæc persentitur ipsius lex de fame, ut, ista cum adsit, victus petatur. Huicce legi Medicina consentit; nos, utrique. Nulla ergò statuitur hora? Nulla equidem. Quid enim horæ, aut temporibus cum desiderio ciborum commune est? Nùm desiderium istud, auribus noto quodam sono percussis debet exurgere, aut ventriculus ad solem componi? Eadem proinde tardiori aut promptiori stomacho præscriberentur, valido, & imbecilliori? Verùm, norma institui potest, quam amet natura, à quâ etiam, in posterum, non nisi invita divertatur. Imò, si fames expectetur, eaque sola victum imperet, timendum est nè copiosioribus alimentis eam explere quasi necesse sit, & inde ventriculus obruatur. Respond. 1°. dubium videri, utrum illa plus habeat utilitatis quàm incommodi norma, à quâ, etiam coacti, sine periculo paulò mensæ accumbant, vel ferè exanimantur, vel plus æquo assument, & prævam tùm sibi procreant digestionem. Respond. 2°. famem, quam desideramus, levius quoddam addere liceat, & planè non insulsum. Scilicet appetitus beneficio, melius degustantur dapes, & palato magis arident: secundùm vulgatissimum illud, *optimum ciborum condimentum, fames*. Eadem est igitur, & rationis & voluptatis causa; itaque in gratiam utriusque concludamus.

Ergò, fami potiùs quàm temporibus, in assumendo victu, parendum.

Proponchat Parisiis, CLAUDIUS I. AFISSE Lugdunæus, Doctor Medicus
Andegavensis; nec-non Saluberrimæ Facultatis Medicinæ Parisiensis
Baccalaureus, A. R. S. H. 1769, à sextâ ad meridiem.